

集部

欽定四庫全書等部

檢計臣何思的覆勘 詳校官監察御史。李尚枝

腾銀監生 臣黃 **腾銀監生臣章** 勝録監生臣范重 於

維

俦

贬定四車全售 下聖政 見る時に寄りればん 文註集 丁潤州丹陽縣主簿臣夏竦 一聖之不緒冠百王之威 **堡武聖明仁孝皇帝陛下** 宋 夏竦 撰 道則仁義忠信無所不至矣御用以變則刑政教化無 睹明記遠釋憂慮何則陛下廣文武之科而與文武之 之戀臣生逢聖明幼肆簡謀久困寒賤不能自達去年 治夫鉛槧方策文之器也辭藻辯博文之用也御器以 行陣陛下哀臣狐幼任之州縣鞅掌之暇服膺稽古欣 衝河朔先臣供傳遞之職立矢石之地忘家狗國失身 秋薦名天府屬邊障多故羽書錢午陛下臨遺室臣折 事萬方文明多士勇進嘉魚有得賢之詠白駒無空谷 **欽定四車全書** 詳而察之若陛下必擇在夫之言思納愚者之慮垂旋 善攻取者賛之以學術則將相之材去此馬往願陛下 **抬能臨器而知道臨用而知變精儒墨者兼之以韜畧** 其變而今也觀其用故文武之材比及於古者可多得 直無所不計矣盖古者愛其道而今也愛其器古者觀 器以道則奇正威惠無所不逮矣御用以變則盈虛紆 下拱渴待忠讜則臣願以賢良方正能直言極諫科名 所不達矣步騎金革武之器也敢毅勇捷武之用也御 文准集

於七德故臣之區區盡在於此惟陛下原本致所志辨 時與極諫足以數謹議時與既陳則明於體用謹議既 市井若陛下以金榜丹桂為材則臣未忝科第若陛下 而明之裁而擇之若陛下以枕石救流為達則臣世居 **敷則造於教化明體用者豈昧於六建達教化者豈微** 徳之蹊徑方者慎履名教正者斥遠邪传直言足以陳 赴明試則賢良之科斯為具體夫賢者智之苑囿良者 以鳩杖點背為德則臣始喻弱冠若陛下以荷戈控弦

罪戰汗惶懼之至臣某稽額頓首死罪死罪 其先後矣伏願陛下念忠臣之後寬萬死之責召詣闕 對揚紫宸指陳時事猶可與漢唐諸儒方轡並驅而校 為勇則臣生本綿弱若陛下令臣待詔公車條問急政 下令畢其辭退就鼎鑊死且無恨干忤理聽臣無任待 降聖節進奉狀

欠 至 日 車 在 馬

文社集

伏以真将降鑒誕改於傳源令節凝祥茂宣於帝祉臣

比盖尊位皇帝陛下四方無事萬國可封嘉雨霈乎 分三穂疑蔡茂之夢中既介祉於清流爰考靈於瑞牒 伏以嘉疏吐秀黔首告祥初擢一並異劉欽之界內乍 之壽幸及於嘉辰載惟縷帶之微願續乾坤之德 謬塵樞近叨奉恩紫慶東方之期久披於丹質祝南山 金、父口、飞石量 仁恩陽春流乎恵澤河洛圖書而並至元符黄瑞以偕 了讓德於公宗致耀祥於嘉毅足使維揚昔日追 進瑞稻圖狀

載鴻策靡間陋唐侯異畝之祥冠周室盈車之瑞此盖 尊位皇帝陛下儀三五之景樂憲八九之明光當時龍 伏以一莖三穗已告靈休踰月再生益符馨烈祥經闕 少定四車至馬 陪百里之禾清廟薦新敢繼神倉之穀 國祺既當列狀以升聞敢不奉圖而稱獻天孫助祭願 **魏穭生南海遐方遥慚九熟未讓竒於颓麥詎貽討於** 兩歧掩周祖之維糜陋漢宣之靈稷臣叨提郡印獲都 再進瑞稻圖狀 文非集

貢丹墀願隨縮酒之茅廣備泥塗之禮 半漢以爰飛致嘉穀嚴蕤而薦秀臣敢不重圖瑞額再 於顯次本西垣更直叨預於司言內閣參榮彌慙於備 於內禁循涯失措荷寵若驚伏念臣本之異能仰逢目 運先皇帝初臨軒陛首賜科名遂結綬於仕途俄濫巾 右臣今月其日翰林待詔其至臣所居奉宣理旨召臣 院充學士者使軒條降恭被於褒言宸澤旁流擢升 謝宣召入院狀

白りでアノニー

次足马草之情 皇帝陛下上智燭幽純仁求舊以臣一門遭遇荷異寵 之權輦穀密清盖仰遵於聖訓條綱明具實動禀於朝 黃優異之績入則将龍鳳之館非嚴樂待從之才去歲 演潤攸施式嚴於密命豈期孱昧可稱甄陞此盖伏遇 矧玉府之近局擬金鰲之真境論思為重或接於春謀 經僅免曠官敢期進秩遠推恩於中首俾厠職於內庭 以式罷藩條歸朝法坐改畫省貳鄉之列附神皐内史 文柱集

問自爾踐更中外遷貿星霜出則分銅竹之符之襲

宴詩一首者宸極凝暉方參於進牘奎躔分曜猥奉於 都錢報國是圖捐驅斯在 禁林謹當仰副文明度脩職業雖已臨於暮齒亦勉勵 匪 於累朝念臣狐跡踐揚歷清塗於二紀特垂綸渥擢寅 於瑣才奉四境之文謹裁於書的循三輔之政用肅於 右臣今月二十四日宣和門御閣蒙恩面賜臣御書侍 **頒蹈躍相趨慶榮交及伏惟皇帝陛下文明繼志剛** 謝賜仰書詩状

金 人口压力

处定马车心导 馬二匹者戰功未立蕃錫載加來拜靡勝榮懼交集伏 右臣今月某日右侍禁張永德到府伏蒙聖慈賜臣細 鹊盈溢綠鄉言念侍臣曲記龍潜之舊特推恩資俾瞻 即抽路扈之毫載揮魚網之後屢竭金壺之墨翻回鷹 萬常鈞 鶴企之蹤但傳世以寶藏固無階而報塞數呼感拤倍 健承天暢設訓於七經精字書於八體每罷華光之講 謝賜馬狀 文柱集

右巨伏親大中祥符七年二月一日赦勃節文應天府於 成役曲示者懷天底分須既誤及勞之典具装是飭擔 先盡敵之行其效銖分仰轉賞勘 府相趨此盖伏遇皇帝陛下俯念舊臣久居邊瑣將安 報賜垂黃事異仲都之能禮厚儀和之資軍容增壮幕 叛誅納尚微恨無毫髮之勤稍增營塢之氣不圖使驛 念臣本微凑畧誤委半符剧隴宿師賦發滋廣河湟伐 乞脩南京大内狀

金万里是人

基十六

在居守理合奏陳者伏以商丘仰當大火寶勢形勝住 草內有真宗皇帝御製御書南京頒駐蹕詩碑石一片 雉堞又無朶樓内城之中並無歸德之殿但是顏垣茂 皆損動其下只是依舊雙門未變列郡之制雖有兩關 篇其正南內門上有 先朝題其榜曰重 照頒慶之門樓 為南京正殿以歸德為名臣到職後躬詣大內謹視莞 仰製御書駐蹕詩四首粉版門牖不嚴塵埃所閣臣職 小屋遮蔽未曾建立其東北隅小亭子一座内有先皇

欠足可臣心情

文莊集

崎企洛宅以相望至官局厮居咸從改革而乃闕廷宫 役或費財征臣今乞依先朝初旨只創歸徳一殿安駐 王文昌始大於岐周用建名都實陪上國與中天而對 以示威神况茂陵之餘烈方宣真廟之鳴鑾未遠必欲 天順人由七十里而與天乙是資於景亳累三十世之 仰模大紫上憲觜陬備九寢之儀敞千門之式慮煩力 掖悉未繕修漢啟南陽之都唐重北門之館並資壮麗

金人口屋石書

氣鬱葱藝祖肇基之邦里朝根本之地發祥薦祉應

弊童祖始之基益隆於景命有光鴻祚永貫皇圖 當京修盖伏望聖慈持賜開可所貴宮關之度稍合於 右巨伏以鳳藴靈文方承於睿覽芝函密詔曲喻於慈 所貴定工至解不日可成仍乞選差八作司臣寮將帶 王者之都欲乞於南端闢正門三闔東西增孫樓二座 **蹕詩版又以宫室之儀門關為重猶取諸侯之制未成** 工匠到此計度却於東京木場事造材植繁被浮汴赴 王相公謝賜手詔状

火足り声心情

文在集

藥簡研軍更期於率勵荷照臨之莫報積感懼以增深 清用仰資於欽奉伏遇皇帝陛下祗膺道養昭事真源 絳臺臨文而備見雲裳藻衛伸紙以咸窺爰奏御於穆 觀有瓊編之斯在咸區分於部類可悉數於名稱紫府 奉綸言總雙金格當以三清真境官室殊名六洞優游 東祗誦已還兢榮併集伙念臣素微材識竊慕希夷猥 遠班温雅之解俯示褒優之意華門輝耀永瘖於實蔵 羽儀異品雖沿波而縣見盡物本以煎該因寶藏之縱

定景則日濟式膺獻歲之祥永固重雜之祚其肅将明 講學於胃席之温文祕錄儲休荷太霄之顧誤珍圖大 誠淵塞粹性的融趨帝室以問安隆天枝而繼體闡門 表著儀徇路鐸以宣風甫新元朔恭惟皇太子殿下明 某叩頭言伏以緩管發春清臺啟歷舉椒觞而第頌爰 欠とり時とき 命遠託倅車效秋實以無階望日圍而尚遠無任抃躍 正旦賀皇太子牋 文莊集

世 歡呼之至限以守官不獲稱 某以數以朴叩頭叩頭謹牋 而增怨有少微禮具如列牋 鱼 切 口酒 白書 ,北嵩高發詠爰逢生南之辰,顧禪賛以非勤唯頌延 以函鐘紀律當炎景之宣威大昴儲精 敨 惟其官嘉献濟俗懿業代工渭水凝祥發協佐 謝生辰禮物啟 庭謹奉牋陳賀以 属鉅賢之命

伏以氣正南訛日纏東井當沐蘭於楚俗仍聚藥於周 五月旦啟

佩之私不 任下怨

節於宗藩履此令辰倍增休祉豈期台念先示釣盆感

官伏惟某官任重麾旌功昭婺鼎连宏规於義府聳諒

八月旦啟

伏以候格長蘇氣當溽暑雨濯枝而泛灑螢化草以流

輝伏惟某官金石存誠箕裘濟美荷封崇之茂寵宣保

火足四年公馬

文拉集

閫之英風履此住辰別迎殊渥豈期台念先示釣函感 荷所深不任下怨 愧所深伏增下懇 盤伏惟其官寄重藩宣誠堅翊戴著撫封之令望揚分 伏以西颢司辰素商紀節港清曦於鶉陸泣瑞露於優 ·殊勲履此令辰倍增嘉佑特釆庵樊先示誨函感 七月旦啟 中書回夏州七月旦啟

茅之帝寵履茲令朔倍納休祥豈謂台慈先貼釣翰感 伏以金方戒序夷則紀辰起越桂之妻風騰楚蘭之 豫伏惟某官氣鍾間傑任重藩維藹銘鼎之世勲厚苴 伏以律中南吕候及西成漸鴻陸之来實自雷門之舊 銘之至但切下情 誓河之寵履兹令朔倍納清休豈謂釣慈先貽台翰感 露伏惟大王忠规夙茂亮卽允孚早膺祚土之封克奉 月旦啟二首

火足四年心馬

文莊集

伏以南吕還宫仲商紀度陟少明而夕月奏幽籥以迎 **伙以肅霜紀候清日楊輝澄楚潦之餘波發豐鐘之** 忠毅之規届此令辰倍承嘉裕豈期台念先枉釣函媤 佩之至伏切下情 金少巴是人量 韻伏惟某官忠純挺操屛翰宣威克揚固圍之勞广 寒伏惟大王保塞宣誠戴君罄節仰奉文思之徳茂昭 佩之私不任下懇 九月旦啟三首 卷十六

撫封之 銘之至不任下情 同文之化届兹令朔倍納殊祥 以肅霜在候無射届辰禮間習吹之 以肅霜戒候采菊在辰築場風以務藏飭衣 伏惟大王書忠甲令襲寵和門克彰濟美之規允奉 惟其官真純東節英勇傳家鏤熟業於景鐘載 /寄屬兹告朔諒集維祥豈謂台慈先垂釣翰鏤 令届兹吉朔益迁殊祥豈謂台慈

雲伏 |欽定匹庫全書 **式遏之功履此令辰倍膺殊祉** 以日在建星斗連管室開漢門而候景登魯觀 以候届寒英日纏天腳謹擇漁而登賦設朋酒以休 **於佩服不任下情** 惟其官位冠齊壇威宣漢塞仰奉重熙之運載彰 賀冬改 月旦啟 雜凝華振振著信茂奉展親之徳永 老十六年 以書

分物之封履此令辰倍延休祉 **举睦親之化履兹令序倍納殊休** 氣伏惟大王分輝帝室流譽戚藩早膺選徳之 以建星辰日伯趙司辰發黃鍾初九之聲写太極函三 以黄鍾紀律伯趙司辰紀雲物於魯 代僕射相公賀冬啟 代集賢賀正啟 和著譽信厚流檄蚤疏四履之

文莊集卷十六			二本之徒履兹令序倍於殊休	飲定四庫全書 東十六
				114

欠かり単心は 作海內之明表而自殉皆先聖啓廸嘉謨甄別九流裁 欽定四庫全書 成庶務允屬繼明之治愈隆圖任之恩總日月之畿坐 精三英無德鍾半千之運為帝者之阿衡著畫一之規 伏審欽府恩制榮踐鈞樞天下幸甚恭以某官六學宣 文莊集卷十七 啓 賀樞密相公路 文莊集 宋 夏竦 撰

從朝倫闕司奏記積歡心而复異屬微珍之方嬰肩與 體貌特隆詠頌而品流交慶某自陳席幕曲荷陶鎔限 剛辰誕膺明命正樞庭之重任無鸮席之崇資延登而 御朝真靈區展來丞入司於留篇實簡自於帝心果協 國暫均於德澤而王商真相戎夷彌憚於威名一昨發 極來遠獨陳於大計懷柔允贊於聖功泊申伯于宣藩 康雅俗治金刀之府釐定舊章因是正位巖廊延暉台 已及於東平力疾將趨於北闕瞻望抃雖實倍常釣

金片口用石雪

書古職属典實曰納言漢儀首冠於列曹魏制統司於 率宰衡之無總以是望禹台鼓任重名槐為一人乃滕 選職大則綜釐庶政次則品擇九流世與茂勲代無虚 授伏况國家崇端右之職須經遠之材簡銓第而正司 罔不欣抃伏惟慶慰恭以吏部天官周禮謂之太宰尚 生飲至辨儀既行清廟疇庸命爵首拜元臣凡受甄陶 伏以朝廷巡祭於后祗嚴配於神壤惠加無際慶洽有 賀樞密尚書啓

次で日本という

文莊集

成垂拱之功肇建東巡之議司先置則瑞芝鑫涌紀鴻 則戎后好關借箸則羌豪厥角四方無事萬國可封輔 歌三讓彌高屢下鄧彪之詔惠加含邺道服搢紳授符 明子魚清淨議事務從於寬大臨下盡削於煩苛天光 自 化源左雄奏章動為故事唐約表疏出自手書郭賀仁 之資作九服具瞻之地豈止聨曹建禮奏事明光象北 斗之樞儀總南宮之喉舌伏惟某官允釐帝載敖道 比其丹青蜀剱豈方其明達萬事不理誰屬胡廣之

金がた人名言

飲定四車全書 ■ 投有素欣幸最深其如四海無親三台寡援生成有路 后合冠三階晃旒注意以非常珪組傾心而久待某棲 輔官獨守於六卿偉齊以僕射無司平叔以侍中并領 猷則麗藻金相暨汾水頌祇扈鸞旗於馳道神光燭夜 只期文命之昌言薦進非材敢望巨源之密啓 比之聖日難望清塵然而晉寵茂先尚開五府軒崇風 奉龍家於方壇禮備元黃功高鐘躬以是職彌崇於四 賀樞密尚書啓 文莊樣

舊幅員之係胥同某出自思門適居塞屏瞻泰符而 特從雙日而開上兵代謀升總萬幾之秘圖任之思惟 宰府克懋赞襄之勞賦政別京洽著保釐之績會朔方 望俊德端成常衮為當世才臣魏相練本朝故事告敝 遠趨翹館以未期下情無任依投欣抃之至 之奸命虚漢幄以須材尺詔亟頒追車肆覲延英入閣 伏審私奉制思入長樞府伏惟散慶恭以某官懿文偉 賀樞密副使啟

大いりました 伏審私膺冊命就防樞庭恩出主知事禁物聽恭以某 過形祸抑之辭感佩銘藏不任下懇 邊好當資出境之材繼總戎昭允奉撫封之寄勲庸克 命數允副愈詣某素仰聲猷方增慰懌重荷緘封之禮 著望實瀰優果膺丹展之東求入贊鴻樞之獻納載隆 遠明識周通網油博達於文經玉帳夐髙於武略肇修 伏審欽奉茂恩榮恭密命伏惟慶慰伏以某官豐規粹 賀高樞使啓 文性模

惟其官豐規茂粹懿徳冲明獻納嘉猷翊宣大政左弧 能事允率土之具瞻某職貳侯封迹遥台座無階慶蹈 官器泓剛實才貫幾深東忠諒之一心出誠明之正性 有地埏鎔 樞之柄專掌於繁機英衮之司行光於寵拜罪大臣 旦暮聖辰之會翱翔朝弁之華爱竭敬為益隆體貌鴻 以函鐘統律方熾於陽暉松岳降神載生於英哲伏 賀西樞相公生日啓

金好四月全書

如别牋 穹禹生德嶽鎮降靈服百行以麗躬通三才之懿學別 右某敌伏雷祗奉制恩榮陪宰府伏惟慶慰恭惟祭政 賀叅政給事啓

紀慶爰偶於誕辰厥篚修誠敢陳於善祝有少微禮具

自便蕃鼇禁尹定神皐時厥中庸略去苛細詳言照理

世洛其清端心在公帝諒其節庶績思乂景命方初官

惟其人政將安往果峻瑣聞之秩式均與錠之尊公枳

飲定四車全書

· 杜 集

道冠九流識包三極闢先儒之塞路首映人師適列 忭 右某政伏以祗奉寵召勸講宸闡伏惟惟慶恭以某官 在 無己 有知孰不載躍其早游恩館幸託鴻鈞歡欣所深聳 維國柄攸屬任隗之見重於世楊綰之自化於人凡 賀内翰劉給事啟 卷十

之舊章寅裨治體外內之献畢告天人之爵俱隆別自

避當途鎮臨巨屏沈規粹範泯崖略於天和鯁議純

飲定四車全書 誠留矩模於邦直高風益卻清望攸歸果當機服之初 邱報方遠師門忭躍之誠等夷增倍 於漢會緊兹舊德翊乃聖誤咫尺威顏世逮華光之對 **未報因代親而有請爰昧死以陳章冒禁成愆免官出** 丹青神化佇宣台極之暉凡在有知罔不翹首某幸窺 顧副優賢之命丹書訪道禮厚於周臣重席談經事隆 右某改早由疎隘獲遊凝嚴官修之業無聞天覆之思 荆南府知府學士李給事政 文註集

所深敷陳罕既 於訓解高議霜明至言金重倬為外舉足感上心而安 國之灰久寒從兹起焰虞翻之骨非媚慮玷知言佩服 過棲爱於情目眢井以拯沈馳飛郵而剡奏抵排羣議 守山籔藏疾荷先聖之哀矜豺虎食讒仰至明之末减 四移使竹六變年灰乾是零丁宜夫湮沒某官觀仁以 證非章謂其風侍清光少知於治體當司洪語多識 質司徒侍中啟 卷十 大三日日 红色 避寵示挹道以敦風與讓官師益厚忠淳之俗推恩師 是式而自惟新大政首幹鴻樞三后在天仰當於顧誤 傅更隆尊尚之儀果反剛辰幸嚴厚禮廣真封於食乐 台萬樞藹其休聲六幕翔於善氣懷生之品載躍攸同 増崇號以褒功誕告外庭布昭盛德疑和實鉉發景乹 七月同軌寅奉於寢園送往惟度勞還南渥遞刊章而 其啓伏審欽膺朝冊增寵正司天下幸甚恭以某官松 儲靈穹高格業任隗沈正鯁議不回山甫将明庶邦 文柱集

某出自恩門久緊餘照飲聞明命增於甲東伏恨條職 右果啓伏審華園勸講奉咫尺之威顔曲客侍祠貳熒 煌之台座仰聆恩制伏積欣榮恭以某官峻極降神穹 所拘不獲躬詣台屏某無任欣榮激切依歸之至 光羣累一言不立澄寳海以皆空兩半同陞游玉池而 含華隱曜方圓詎表其際禁悴靡縣於懷鑒達萬情塵 高生德探二儀之與祕游六藝之粹精而况內天外 賀玉清承吉左丞學士啟

金月四月日十

逮靖館凝嚴荷慶於需恩式陪於鼎輔暫階隆器行陟 甚樂天和益茂心照逾清允副旁求仰裨初載宸帷訪 鍾辰律識貫天淵東亮節以光朝鼓英辭而高世夙昭 有英邪之請門閥尚阻夢寤增勞聞命欣愉倍百倫等 近司凡在有生罔不延首某自貽狼玷仰誤品題久困 欠巴印度 2.145 泥壓關通牋記右臂為彈方欣點炙之求良冶鑄金敢 右某伏審祗奉恩俞榮加命秩伏惟慶慰恭以某官氣 賀晏内翰除景靈宫副使啟 文柱集

賢業茂著師規慎基命之惟新罄計謨而入告周旋三 賢絕席 舊庸 馬避黑頭之拜恭承嘉會超絕前間某屏 實乃眷之是膺俾斯文而有屬當陽圖舊己旌朱郎之 重於官聯作貳殊庭載光於使範紳綏動色竹素楊芳 羣品推高果由巖近之可更益便蕃之數開榮瑣闥克 門聞宣任飛越伏恨條職所拘不獲躬請台屏某無任 去周行外司漢竹慶登賢之有命帳申禮以無階仰繁 接導筆舌於天常申敕萬幾諧笙簧于帝典鴻猷灼叙

金好四月生

調發好切集於京坻風古所傳歡愉交集某幸司符竹 斧濱江而北籠貨至饒無剌百城丰當一面方欽聞於 中道獨出犀公之右允當上帝之心引職憲牀抗稜使 桁 右某伏審抵膺中詔顯領外臺伏惟歡慶恭以某官學 **欣耀依歸激切之至** 粹精風献凝峙不侮不畏式是古人以猛以寬濟乎 婚惟獲在恩麻但深跋躍 賀轉運啟

欠足可與人生

文莊集

聲猷餽給富邦暫迂其毅斷即聆高最越在親嚴諒伊 彌 光華資祭近以久隆副愈擇而此厚糾絕康俗適著於 金少正是白 之散偷恭惟其官清懿飾躬通閎廸望并包淑哲遘遇 右某伏審密命蕃恩外臺專領仰要司之簡拔實衆志 深志銘無既 邇之懷併是瞻祈之切某微姿極下大庇方依戀幸 贺屯田改 質轉運故 趃

欠足の単心的 右某伏審肅府鴻沛起殿大藩伏惟慶慰恭以某官沈 臣隣有翼曩屬先朝違豫臣黨與姦密庸犀邪陰窺時 正東與清和懿徳經三聖之變納釋惟深貫萬物之儀 於朝議傾依所至願頌尤深 根陽已遠牛將之器甄擢匪遙惟善順於天和佇大光 伏以屯田博達文心詳明治體擴桑孔之術不議貨財 斥申韓之談專講仁義近徇常牒出倅盛藩蘭桂之苏 質舒州李相公啟 文柱集

傅憂樂望結於蒼生錐暫假於鎮臨必坐階於密勿至 處榮悴之交人言無問失左右之手國體義虧大號繼 深之渥慰藉良厚毗倚增隆衣安涕洟念深於王室謝 皇 霽止霄塗為之密清精貫三辰 頼深百辟終以狎聞蜚 柄允緊哲輔克殄凶謀防檢未萌澄綜多辟虹氣由是 明電照澄洗司制延即舊臣眷惟襄對之賢首被優 巨馬成露孤鼠失其深穴豺虎食於語人協氣雲翔 引去上可傳致深文越處南裔孤節彌諒高揖自冲

金万里是白雪

某官紀縣光朝大猷稽古河帶山礪預然藏府之盟蕭 車下奔走道周但私慶於單危將永歸於獎鑄 規曹隨車冠宗臣之列席兩朝之稱賞塞四海之具瞻 身块儿之鈞早緊大庇之託炭煌之坐合謹孁儀恭惟 右某伏念聞外之邦宜嚴所守弗當便道增仰贵台託 洪惟高範絕出常均其恪守郡條欽聞朝與不獲拜伏 公來復有識相数薦納傾耳以聆風斯文解冊而刊美 毒州相公改

飲定四車全書

文准集

洪區永增輝於盛旦空跳之迹終始是依某無任依棲 九重率乃心於王室時庸方切圖任有歸付再正於 復暫避繁機出臨巨屏長城萬里固蒙福於靈河華 颂激切之至 卷十

潭州李兵部改

風逃望朝髦魚分雷塔地頗縣於河潤心但切於旌搖 右某於伏念某屢竊虎符甚安鳩拙不當便道絕欽緒

恭以某官直道在公懿文飾政入端朝者羣公讓於

卅懇 郡 右果伏審祗奉制恩榮益天邑伏惟慶慰恭以某官宏 聽旁求用紓勞想炎凉改候搖嗇是冝頌咏之私不任 馮出總使條舞吏空其囊索逋民咸復美化大敷然自 本股脏召莫先於季布治緊寬猛政馬避於國僑傾 贺薛待制知開封府啟

欠かりかんか

文程集

宸帷訪逮計省践楊瑞鳳覽暉儀鴻簉羽體貌之榮雖

猷體遠精識鉤深嘉言奮乎黈聦懿文縟乎邦憲而自

克峻於官聨太徴三光之庭茂延於畫接式夫古訓時 渥彌綸之業未宣乃眷浩穰遂兹尹正羣玉上帝之府 莫趨鳧藻增躍 厥大中前趙後王方仰追於懿範左輔右獨竚協贊於 右某伏以書得夏時標物生之令候星回吕紀在歲始 訏謨遴柬惟新游談胥慶某出麾外服遐抃吉音燕厦 正旦賀内翰改

金片四周生書

之常經恭惟某官履道淵冲炳文宏博總直轡以高

瑞幸府夢卜之求徳冠生民道高犀后宗祊倚重方宣 觀以書雲恭惟某官文武無資勲賢其貳仰鍾河岳之 盡調將實之和伏想贊翊循經練順多暇履茲初歷倍 厚之訓輝映前圖企聽簡良居承弼化率是海隅之衆 納蕃禧某早飾冗才叨偕巨庇祝頌斯厚敷述奚舜 擁大瑞而遠遊通內相祭决之謀進扶鴻業代主上深 右某敌伏以南至敌辰聨星贯彩闛漢門而候景登魯 賀冬至啟

大元の神人は前

文准集

金牙巴人人 可大之功海域具膽皆罄履長之祝某式提頗成久累 流 洪鈞阻陪介壽之班唯積戀軒之感依投繫仰倍萬品 轡方馳清談尚阻惟希冲養以副願懷 帳終官精通於機會行奉戒的之寄式彰勇冠之材六 惟其官懿徳遠聞芳猷夙茂兹弓白羽妙絕於等倫玉 쇱 問風規屢移年篇忽墜奔雲之翰彌繁搖施之心伏 問候太傅改 ×

常品 攀多士街舊恩而莫報懷深頌以徒增棲倚之誠倍百 維周之詠萬邦為憲方歌受祉之詩佇正位於近司永 藏罔喻恭以尚書浚明著德寅亮成規四方于宣允叶 近 流椒於民表伏冀為國自愛副民具瞻某早荷重知誤 拜郵書仰通鈴閣遞承鈞海實貸朝榮與飾有加銘 省副郎中啟 問候尚書啟

Kull Jan City

文柱集

歲律更順天和願颂之懷倍百常品 忠甲令紀績太常已久肅於邊庭行入參於樞府方新 屢馳丹懸仰瀆清規遞捧報章實銘懿念伏惟某官書 資方屬令辰諒延殊祉某夙叨齒記但積瞻依 仕途計部赞規克謹牢籠之典丹墀詔爵即膺近密之 著前經恭惟某官妙味宅心懿文東德越丁復旦潔履 右某伏以三陽之律初宣式新庶彙一歳之端肇正爰 金为正人有言 回雄州館使太保啟

比膚使指往奉歡盟選授至艱道塗差近況多偷幣實 免奉使啟

勝母之游遂輟荷兩宮之大庇載三事之昌言退安四 府露章槐庭泣血王姬築館接仇之禮既嫌魯子回車 義不戴天難下單于之拜哀深陟屺忍聞禁休之音車

濟空拳然念頃歲先人沒於行陣春初母氏始棄孤遗

大足可華在島 利於摘山闕言心於奏記何圖驛置先墜書筠俯哀蹈 文柱集

壁之貧如獲萬金之賜某官力持名教數獎孤寒屬商

感咽体歸之至 義之心不辱資忠之訓永唯佩服何但銘藏甲情不任 金月口尼白丁 又莊非卷十七 巻十七

蒙思特授前件官充職者紫微秘掖塵書命之司丹屏 欽定四庫全書 とこりを たたっ 物別着龜先見當的示於前期松栢後彫忽遠流於荣 無措此益某官蚤垂顔采曲借光儀是致鴻鈞誤甄微 儀曹叨奏疏之任尚兼載筆仍賛殊庭思獎有加心顏 文莊集卷十八 敨 謝授知制語故 文莊集 宋 夏竦

問夫何後進辱此重知顧報遇而末由但街思而有素 伏奉制命前件官陳避不允者靡依站痛瞻風木以隕 動戶四庫全書 號天而固續式遵治命歸葬近畿宅兆未安杯圈如此 銅符遠九遷於主籥采蘭就養鮮綬而靡遑陟屺銜良 某本以諸生當附近侍如經認直何鬼甚愚发六剖於 心圖舊延慈俾墨表而從政未能毀滅惟竊震惶竊念 區區之態莫喻萬分 謝起復授知制語啟

廢但重學於畫脂弄杼非工敢更言于織素唯期盡瘁 有素保宥特深致兹放浪之蹤薦游清切之禁懷鈆久 **嗳下英寝于燕章強整殘軀再司舊物比盖某官薦延** 追謂誤傳記版許復故棲三歲免懷七終于喪紀兩官 會于昌辰虽吞塵於近列徒更寄任莫者聲猷竊位極 祗荷寵光不任榮懼伏念某器能無算材識非竒幸際 少謝生成果情不任感媿良咽之至 謝某官故

次足四車全書 四

文莊集

=

譏夙夜在公更竭負山之力感銘之至不任下懷 資無益户封愈隆命數循涯多處敢忘周任之言昧進 國家欽奉真將誕均審錫加勲臣之美號進公府之崇 知受以周章固退思而愐墨此益某官因承清宴曲借 誠難函效范宣之讓雖削章之繼上顧出終之已行但 庭詐彌綸於密命脩貞鼎席莫寅亮於大謨此者伏遇 ,輝致此庸虚荐塵優渥敢不盡瘁事國少逃濡味之 謝大王啟

少足四車在馬 **潘盈而是懼實避讓而靡詣叨據瑜深周章罔踰比益** 豈謂具臣之幸特膺置使之荣仍益爰田尤彰異數頓 家飲承真御邀論鴻源範肖象以惟寅建殊庭而有異 造永言姚佩但切丹表 大王曾因客侍夙借公言致曲荷于寵靈惟仰街于殊 運會忝胃官常自膺圖任之私莫著謨明之效昨者國 叨膺恩制載錫徽章祗受以還兢惶靡措伏念某遭逢 南京到任谢二府啟 文柱集

之憂事雖欲於防虞言或多於過切當朝廷賣實之際 誤罷亦站近司上賴保全獲均勞逆一昨東秦関雨下 鑰合銀兔之軍符周微子之封圻漢鄰侯之寄任載惟為 **固嚴廊精汰之辰褋被自隨屏居是分豈謂伏遐某官** 短号副坯陶惟更勵於舊材用少酶於元化感慚刻著 俯矜舊物深屈至公仰賛思章俥釐留府典銅魚之宮 户将飢猥奉詔孟就分使竹殊昧敉寧之理其寬旰昃 仰承獎擢伏稜兢崇竊念某本實庸人妄干榮進早緣

1

九八丁月 1 稍逸垂翅将安彌仰恃於良於真且參於下吏豈謂伏 郊錯事泰壇備物方畏瘝官齊幄還衡甫寧悸魄攝須 自别都伸司會府服勤徒切析利非精別從視事之辰 出自坯陷伏深感戀竊念某人品駕下世冑孤平繼典 倍百常釣 便主摘山之議逮成奏格幾汗簡書爰以細札垂文陽 九城為更三紀無一毫之可録恨十獨之空勞虧者召 永興謝二府故

文註集

IJ

家為數級有時或期於天幸指玉閥而非遠瞻超府以 邉琐拔於端右付以戎陷六纛故行光華籍甚萬錢賊 遇其官因陪漏刻誤憶姓名議四鄙之羽書按東曹之 右某蒙恩特授前件官者元化均分近司進拜殆非功 方遥姚荷依投萬倍倫等 深界至公敢不更勵忠規上酶元化減烽未日既耻於 禄訾計差温中外韵其何功文武譏其不次載惟求舊 授宣藏使謝二府啟

金公四周有書

推免之效敢不益張睛膽更厲偏裨庶集羣勞仰酶坯 霖雨之餘潤萬金屢費適寬賣即之文十使無加方切 舊物量衆恩於過瑣較前職於省聞的衙石之至平雅 長人幾多幸自訟何勞此蓋伏遇某官登翼大敵矜嗟 創圖羌事慚赔掌以難裁猥险四贵之華頗玷十連之 十載竊民政者十五城而况兼護将屯帳絕弦之未逐 次有誤寵章伏念某偶以孤生謬縁薄技攀仕塗者四 文注集 h

當上将之任倚辨尤重堪副誠難比盖伏遇某官登異 且并獲於諸道金印解組盡兼數使之名玉帳建牙爱 區方膺於外徙河潼右壤亟復於故棲實總攝於百城 **固追功於橫草猥荷向隅之恐猶書守塞之勞箕,頹與** 長關中之戌親臨矢石俄為隴上之行徒肆業於端矛 陷伏增感懼竊念某項當佔畢素不知兵特假憧麾 右某蒙思授前件職并知永與軍府到任上記出自 永與再任謝二府故

卸好四庫全書

欠己了年 江西 直控馬門周宣中與兹當簿伐漢武懷遠此馬觀兵此 及負責斯重載恩則深咽喉要衝股胚態地旁連馬色 良憐之是望永言報塞敢惮勤的 戎昭恪遵廟畧武暢西海儻橫厲之有成生入玉 關 固 忠縣加龍數既騰機於師賤将責效于功除敢不祇慎 右果浆恩原本西陸用武寸效曾無比道之人愈謀很 皇敞布昭元化圖殪目中之敵先增聞外之權首念樸 并州谢二府政 文社具

賜保全勉策暮年伴圖後效孟明屢辱定収三戰之功 然形勝之區紛爾轉闢之地思得良士侍為大潘某素 金月四月月十 戾臂志不酬心尚賴丹辰至明黃問垂庇曲蔵痕殿勤 矜於矍爍登車揽轡尚有志於澄清然念孤寒多 艱 無兼才時於临事精誠內耗齒髮久表上馬據鞍雖自 孫臏何堪終期萬弩之發 名難偶事方創置誇軟隨生孤根易搖眾口難辨指當 回谢二府改

鈴習知戎警猥奉臨涇之役敢辭負羽之行漢惟六郡 崇高屢更於都座十城因養遽剖於軍符未當練達兵 鏤丹誠而增切所貽盛禮馬敢克當 謂鈞慈曲記生日俯垂榮誨形厚意以居多仰佩殊私 幸會昌辰誤塵近列仰荷同寅之徳唯增有硯之慙豈 仰戴坯鎔實難堪副伏念基本由寒進妄齒清流三品)难唐兼四鎮之重宜得飛將倚為長城豈謂伏遇某 涇州謝二府啟

とこりをことう

文准集

Ł

官登異大歌斟酌元化曲於嗟於舊物特選補於邊 金炭四月全書 鄙之咽喉營壁空存無複北庭之組練願更寬於轡策 根心顧楼雄之未完且租更之甚闕錢烟在望固當西 **無漸革於封陲愧荷依投倍百倫等** 知榮懼上累於甄陞益俯加於策勵兼程赴治周覽 以太尉先令公維萬定粹間氣凝祥妈內降嬪極 加置於使聯伸專司於武旅望嚴塗而馳戀撫辭 謝魏問使啟

呈納 沙巴口草公馬 昨以總司谷蔵影纂網條泊恭校於推衙竊審詳於釣 之至不任下情謹癬沐莊成先令公墓誌銘一首隨状 粹音而僅就鏤翠琬以為惭敢真仁明過垂怨察兢灼 雖早於知致備熟於音數而載罄庸虚其周於事實緝 朝之眷待台槐襲慶陟四近之尊崇功在旂常政傳語 頌仰圖英烈允屬鴻儒豈謂某官特示良誠見求鄙製 謝私政政 文在集

石豈謂鴻私曲被優詔薦頒将並刻於堅珉庶永傳於 惕之誠倍百倫品 内府旅以某官豐規冠世明識過人幸久荷於殊私遂 之筦籥惟保釐之允廸固樂只之攸宜方企旆於遽承 至崇辱前街之過重但銘蔵之增切顧當棒以尤難快 仰塵於英聽遽示緘封之禮載形獎與之辭况近列之 以尚書懿文雅正妙識融明避中鼓之釣衙奉西都 謝西京尚書啟

金げせんだる

巻十八

蒙釣念曲示誨函仰承仁厚之私俯集观銘之素所頒 某放辛會熙明叨塵機近揣分深慚於昧進依仁實頼 盛禮安敢克當 思銘佩文不盡言 簡翰玉音無數式慰於深心鼎席薦陛佇光於善頌傾 幸鍾運會誤玷台衡属當生育之期方積的勞之感猥 上親王故 回大王改

とこうしん

文莊集

凿 榮緘荷眷與以尤深積銘蔵而其喻町貼厚禮馬敢克 於同寅式當生育之期方積的勞之感敢期釣造特賜 謂釣慈俯記生日降緘滕之祭問示筐篚之厚儀載揣 銀灰四月至書 本以非才幸逢嘉會英者謨明之效但贻昧進之譏豈 庸微固難克受感銘之至不任下情 謝牢臣恵食物故 謝樞宏相公生辰啟 巻トハ

九己日臣 二 客持左手之懈寧姚告賢顏舉族以分甘念何門而展 熱霍之不給載形於即報赐語盖食五侯之鯖無慚 食質深於分薄屢垂賑濟伴育孤遺當雨雪之既零知 依賴於門關得四塵於官序西崑抱輕逐獲於依仁東 伏奉殊恩俯領具味仰惟顧録益不遑寧伏念其冑緒 恩时奉光儀特忠頗色掩愚陋之果聳殊尤之觀復念 寒微學識家閣無近親可以仰給無先轉可以躬耕幸 問食魚仍容於庇族曾無鳴盜之淺術徒恃簪顧之舊 **之 莊集**

斯文方盛公議有歸付府前席之求幸息沉僚之數感 遠承尺續無示青編究作者之楷模振古人之風烈况 金月四月月十 **伏審光奉浅思紫膺寵數伏惟其官豐規茂粹雅度淹** 銘所至願頌良多 退量徼忝唯切戰兢 効心同白水期誓節以無渝命等鴻毛其畸恩而有所 回謝學士故 回學士故

少是日華小馬 之光華彌者清微允符公議某正深慰悍忽奉緘滕載 **鬩雅麗之辭唯積媤銘之素** 條大宣五袴之語爰上三年之計果試言於宰府亟引 而自射的飛其街標擅譽逐升祭於正署仍關掌於郡 通龜紫傳家允叶芝蘭之譽絲網隷志克彰黼藻之文 向者令嗣還臺紫緘垂問屬常居於賜告遂久闕於報 籍於朝閨石室討論閱緹油之祕邃廟臺著譔雕茜綬 西京留臺謝少卿故 文莊集 +

學本乎宗師書觀縻賢威有滞留之歎官曹率職界更 當仁恭惟某官風格粹和識度彌遠懿行推於倫黨與 於王言聳禁近之榮階極斯文之盛選欽承茂德允謂 府分曹尚優於沖攝諒惟褒命彌聳髙風尚遠披承更 **某闻太一三光之庭仰昭於天泉內史八枋之法實掌** 希遵爱 章延丘清微但深遐想近審逢丘追秩示與於者儒梓 回徐舍人啟

決足の事公島 四 林窥辨魔之功益仰謙虚之美其於佩服罔罄數宣 **矜藻凝散鼓動中和之氣羽儀嚴侍豹彰奇異之能忝** 於給垣景祚增光有識交慶固将解成楚寶體發漢風 **凡者謫官汪濱久陪隣好過客嗣嗣未嘗不沐虛獎尋 基顿首项崴從莊穆靈駕當傾盖滎陽道中二十年矣** 預朋從竹聆進推結殺甫陪於週燭披縢遞沐於芳牋 繁鞅之勤環望流聞淵表妙簡巫武才於槐府俄錫命 漢東太守司封政 文柱集

金りゅんとう 附雲奉二器即飲從者流暉電激應事議千其限守半 庶依仰之有地新舜已拜受訖還源觀文敢冀垂侍今 未祛是将待小子於名利之交數字緣雅索改賜手論 其為恩傷若比而疊委公函遞兹相外豈以後進驕氣 屬使節東案淌水大門荒阡特蒙增殖松櫃今己成林 伏奉制恩併加命數載循忝冒實積就惶伏念果性 章阻越宴坐不勝瞻望感感之至 集贤相公辞官版

九三日 車二 尤難已瀝寸誠度通物奏願寢既行之命庶寬若鴈之 進執壁之崇階正雖池之峻秩仍益爰田之賦兼增真 憂伏望某官俯諒曲衷特於非據因従容於畫接為啟 食之封受龍若將顧何功而可報知止不殆将味進以 游的精累之鴻源顯顧誤之崇祐式均大慶首及近 司 要之司亟豫台衙之任循名责實曾無致遠之能具位 嗣求聲稱淺昧幸遭逢於期會四段歷於官常逐塵極 妨贤深负食浮之姚此者伏遇國家欽承天命茂對儋 文社集

金月四月至書 伏奉制恩併加命数揣循非據啟處不遑伏念某器識 迪於昌言償罷命書水街恩造 東樞太尉相公辭官上大王故

於潤色奉彌綸之議莫効於将明薦膺加等之恩並列

秉鈞之任雖思退食益媳妨賢此者伏遇國家至德符

通真遊的假茂對式均於統錫誕敷首被於罷光進掌

武之崇資益褒功之懿號仍加井賦兼益真封雖堂陛

甚微聲就素味遭逢朝會忝冒官常踐清切之司固

死己口声~···· 恩私 以幸會体明誤膺眷與鱼正台衡之任薦塵揆路之資 嗣家聲献淺昧從政之请恭之譽代言無雅與之群徒 軫怔忪因入覲於凝嚴為特伸於敷奏儻諮誠請永猗 己恭拜於囊封乞追還於詔命伏望大王俯矜短拙用 於務除示復優而過分顏斗筲而易湍懼顛躃以貽憂 大慶方均鴻恩曲被省循非據故處無從伏念某器識 僕射相公辭官故 文雅集 中四

緒之綿長欽修茂對之儀誕受事懷之福式軍典渥首 伏望某官由諒庸虚深矜悃愠因入趨於三接垂特達 難的竊禄以無厭必曠官而負煺己陳奏贖願寢出 惟新仍加數於爰田兼益封於真食踰涯既極昧進 者伏遇國家道化休明里風醇暢感真将之報降諭仙 及近司瑣屋分曹荷罷章之至重財官置使奉明命以 石嚴嚴與允具瞻之望伐檀坎坎甚貽素食之機 言英孜浜汗之恩用息旺松之態

金片四月白言


懇露章願寝出綸之命葵心雖切天聽未廻己再漬於 職於彌綸復正名於宥客揣躬內訟懼贻覆餗之虞瀝 之常規無益朝廷之大政歲月滋久尸素居多深懷昧 備影纓之列每奉承於成算動遵守於舊章但敦臣子 遭逢獲詣幾近戌事徹警曾微借箸之勒武帳承顏空 固避恩私未俞誠請省循過分隕越無從伏念某本以 進之憂将避妨賢之路豈謂寵靈薦降命数尤崇令備 解官上大王相公政

たこりも かち

文准集

慎之規四海同文英借薪於武帳萬錢受俸徒充位於 念某幸會聖明四承天寵乏胡廣中庸之譽昧孔光 降成命於慶雷靡容辭避集殊榮於瑣質但切乾惶 凝嚴期特收於漁汗竹賦得請用息端憂伏望某官特 近恩永街殊造 諒山丧俯矜非據因奉清閒之宴為陳特達之言儻罷 廊此者伏遇國家欽奉真游誕昭仙緒式均茂渥首 僕射相公謝授官故 周

金好四母全書



欽定四庫全書等

文莊集卷二十五至

詳校官監察御史中李陽棋 檢討臣何思釣覆勘

腾銀監生臣嚴續曾 腾録贡生臣程廷璋

腾録監生臣俞光豫

たこううたいか 雜賢者益寡不肖者愈泉其故一 文莊集 者用 了建州縣之治責在庶官 治書切責所在長車 宋 不肖則數千萬 夏竦 撰

舉受賞不若私舉受罰故舉制益艱而舉状益謬情害 俟人人不知則俟他人他人不知則復俟他人終不敢 金次正母名言 於道可勝紀哉使忠信者惕惕自晦什處伍列但以道 易整革無各而多譽者非親舊暱幸則不用也皆謂公 功而多過者非清苦勤謹則不用也事有宴安温潤平 哉蓋薦舉之官問思沮勸事有驅走暴露艱險利弊無 以心腹肝膽從人以求知也浙江東西地長千里亦有 退伏兢慄站疏飲水以待人者待之不得則復待之復 卷十九

次足刀車全中 賢才貪發退則民不待慰而自安矣賢才進則刑不待 訴之梯石終不忍使可以鎔鑄翦拂者沉滞於下位然 事豁達正直寒諤剛毅為國家諫諍之冠晃為蒼生號 事擁傳東下諭朝廷之意勞問高年疎决囚繫士之有 待之不得則有中夜而起望象魏而北嘆思得賢使者 觀省南夏按察良苦無何精誠所感陰陽有用果遇執 則執事慰千者壽不如退一貪殘減萬笞杖不如進一 所待者皆歌忭相慶如早類焦枯而甘雨垂降誠以執 文莊集

惟執事者裁念之若令諸有待者不復於他人則某之 慰勞吳會之民故敢竭思慮胃罪憲少布腹心於左右 タプノロットノニッマ 區區百世幸甚某再拜 羈勒於門下以湍風昔之願令執事偷楊明天子之德 減而自省矣貪退賢進民安刑首則執事之功可與太 平無為者相上下宣當與錢穀鹽鐵之官較輕重哉某 一掌版籍吏耳自幼及長聞執事之風恨不能執 两浙運使姚鉉書

足見の軍と時 六職修則國必豐其財五政舉則官皆稱其職豐財則 有六其政有五糾姦馬明簡稽察利害平筦權通商買 掌兵政三司以計國用外則輸運之司使領方面其職 伏以國家之制內外分職內則中書以發號令樞密以 官不啻數十百員人心如面罔或然一貪夫狗利皆曰 政之大在乎舉賢能何則若執事之麾下地長千餘里 無重斂稱職則無弊事然則六職之要在乎糾姦馬五 重廢置之謂六職舉賢使能報功鄉刑爱民之謂五政 文莊集

上 官煩劇不服按省故安於懈惰嗜於賕賂以凂執事 禹稱善人不善遠矣其是之謂歟故某之有待於執事 有能必舉故服於勤恪甘於水蘗以待執事執事果知 而賞之則為善者勘矣然則多糾惡不如多舉賢傅曰 **眼則伏讀先王之書日飯寒蔬數十本若牲牢水陸** 頗知戒訓居貧而固其節臨事而専其守勾乙案籍 知而罪之則為惡者沮矣魚吏砥節皆曰上官明允 朝一夕矣某本無他材癖皆儒學雖不得經指

多好四月百十

とこうらとき 心許我而時命艱寒終鮮知己昨以道干少鄉陳公公 之味而又怕之以鐘鼓歲服敗絲數千縷若衣文繡纨 器質衣食而後充其费窮如是因如是誓不忍學穿節 斗栗數十百錢同獎十餘口整整然皆有菜色必貨什 綺之裳而又映之以珩珮非不知富贵之可悅貧賤之 飲鹽藿衣綃厚絮無何近丁家禍墮於徒勞縣官日給 可厭也蓋富而憂不若貧而樂者也當念事父之日食)盗蠹耗蒼生而茍且衣食雖清白之吏忠信之民以 大莊集

緊然恨不能負級執鞭以遂欣慕之心今少鄉有都陽 多好四月百十百 之命而執事按行常潤某之區區如熟得濯但恨偶繁 **豈天復未開某以明公知之乎願執事哀必窮滞聴察** 言行若矜其廉慎擢於行伍必能恪居官次守死善道 負薪之疾不能與不及稽首衛鑑之下仰干題品之主 暨今處麾下復太聞執事薦拔良士盡公無私夙夜緊 門何則其為童之年當聞執事豁達正直提幹吾道 | 言譽之而未深省也退而度生成之地 無出執事

久己可戶 在 以似之書云舉能其官惟爾之能是則善有所在公其 亦幸矣是與非窮與连皆取必執事願執事不惜一言 捨諸惟昊天敞日知我之不欺於執事也矣惟執事辨 公車對揚王庭不敢伎媚以唇通鑒詩云惟其有之是 不敢貪慢以累明徳若念其愚直舉之諫科必能待詔 而裁之於殿日月逝矣功名未立文以足言頗至狂直 而明之若執事聽之以為是誠幸矣若不聽之以為非 上知潤州陳麗天書 文莊集 Ł

我事帝用追念行加等之贈舉嗣襲之典命於柴毀之 執鉛槧者十五餘載美去年再踐場屋薦名天府方將 良樂之廢乘黃伏卓工倕之室楩楠在御豈有賢太守 際固讓不聽外廷有補以縣吏風心素業理鬱無訴今 衝河朔先人奉辟請之命供傳遞之職發兵間道陷於 交閱春聞鼓行文陣屬邊陣多事節書鑑午遣宰輔 之庭而無良士蓋知與不知爾伏念某四歲結髮從師 伏以外諸侯之重二千石之贵唱首太平必舉賢雋夫

金石正因 台言

· 文記司華全計 **茹故文子之舉管庫趙孟之出淹滯善有所在人其舍** 顧使他人無庸賤之謗公府減奴隷之責今勾乙之服 諸然其之所望不敢連此但凱執事墜其好學少廻惠 則哲傳曰舉爾所知禮稱推賢而進達之易謂拔茅連 謂冗官而非秀孝詩云惟其有之是以似之書云知人 遠察其行蕭义之晚可擇蘭稍鳧醫之渚亦有鴻鵠勿 孤幻故敢以片言薄技深自媒為所望執事近觀厥言 者豈謂遭遇執事総秉部政威望隆峻銓度人物哀略

金グロイノー 裁為慎選之具而尚士流私議況而不通身處孤寒則 伏以國家因襲唐制小宗伯歲貢多士率以至公之器 者裁之 以辱公舉語其報效則有先王仁義之道在惟下執事 都堂揚推今古射策紫墀條對急政將不在他人之後 求騰踔上以副先人之心下以遂為儒之志遂得待問 和鉛弄翰為舉之際許解官就武必能見首掉尾自 上開封府應獻書

欠きりまたはら 一 哉故某居寒殿未當怨肩傷造未常憂誠以公道有所 越國宣待十属而邁進家射鵠何須再發而中是以林 之首又何待暴践場屋多歷年所而後預等甲英傑者 在爾但孤進有材則居豪右之上鼎族多藝則冠士流 居野處不足以自賢三應五上不足以自貴惟善之所 為銀黃之族不無材智金玉之室亦有忠信夫以乗黃 之書未上而毀訾之言已滿殊不問其藝如何耳某以 望權門而怨豪族名籍禮部則陵後生而幸青紫故賢能 文莊集

一亨衢則執事之恵非止謂生死而肉骨於戲以先王仁 哀其說右其技得致師文陣 買其餘勇輝焰士林飛躍 雀故事飾為虚言惟執事者裁察之 義之道取我者我當以先王仁義之道報之豈敢引蛇 方敢抱所有胃鄉舉尚執事照之以龜鑑量之以公器 屬也今伏遇執事斡張斯文採撷英特豈敢自昧默而 不言伏念某四歲從師讀書七歲學詩九歲學賦十有 而學文奈何天恆其解不能脱類而出今年南冠带

滞以自效故君明臣忠而後良士大夫進馬帝宋龍興 然,則旅晃之側賢者不敢自私其禄皆欲顯忠良拔沉 **奄有萬國禮樂之臣列於王庭而陛文章之職居顧問** 聰明方正之臣居左右侍從之列思得薦進以廣儒雅 伏以先王知文之可以守天下士之可以司文德故擇 上晁逈舍人書

たとり野社は

文莊集

帝用明武擢居近臣斯文載光遠近交慶孤寒之士皆

之地十而有一猶此肩也適者執事步臺閉蔚有今譽

執事不有清貴惠顧寒賤賜見於清閒之際而勉其勞 失其具體而得其枝派其如栖栖京雄間困於塵埃公 累歲月之功不敢自賢以妄進不敢自愚以自退代其 苦固非敢像一面之福幸失得之舉但念服鄉魯之訓 經知談仁義執刀筆知為紀述先哲之行從政之事雖 千載一時不可失也伏念某生長間巷結髮事師抱六 離疏釋蹻翁然有膏粱之望誠以皇上之明執事之忠 門題收如天梯而不可獲物不終否有時而泰果遇

设定日車全書 四成誦仰街意爱至感至慰某資性掉很門緒單孑零 月日具官夏某齊被再拜復書于某官某跪路温教數 以導其聲瞽使迷途無長往之數苦學無虚费之勞傳 執事平權衡以權其輕重開龜策以决其疑貳設鎮石| **很當斧鉞之選戎畧方警理不可辭竭忠盡愚深自策** 回朝間道夕死可矣蹤跡如是勤拙如是惟明公裁之 丁士途孤苦萬狀恭惟髙明素所諒悉不圖蟲篆之伎 答杜侍郎書 **大莊集**

為漢唐遗老衣冠舊俗可以三代德教化之過客貼賺 安之守為門謹烽火明斥堠饗士司射數歲不亡失終 所洛度加以罷輕無他智術但憶黃卷中一兩事若武 以迂闊相笑小人該訾或浸淫上聞前史所謂隣城嗤 秦川舊都土風豪俊氣勢相高禮義幾廢腐偽淺識以 顿消此天幸之一也黨項餘蘗跳梁徼外宿舊亡沒靡 其不能也而執事力庇其非稱以為是鐮金積羽言下 勵豈意天幸有二成於鉅賢內手捫心何陪至此也哉

専為善此專為暴是不戰而自服也終亦平吳心頗慕 然破勇羊枯鎮岘南各保分界無求細益陸抗以為彼 去大虫巉止八十里無梟將勁兵控扼衝要而賊騎遠 護其短飾以威名衆言十七衆譽隨之此天幸之二也 華人易一黨項者哉是欲堅壁清野以須遠界不求目 之以逐麋之大尚不顧鬼豈有将王師而循小利以 矧五原塞外地平道閥自古西戎入冠之路臨涇狐壘 前首級之效前之所謂邊兵皆以為怯者也而執事獨

火足四事全時

文莊集

一戟穀重擾遣民夢将傍徨未知攸濟又念本出寒緒不 者未能縛致戎首戮之葉街草壯麥黃尚煩嘲等飛夠 以為聲援旋聞賊騎道去皆如明識之所前料也所恨 戒延安之警沿邊將佐皆被朝吉林馬厲兵分壓賊境 黨窺之無他但勇其難而忽其易謂非材者不能輕重 達人事但謂學古入官以為得計馬知以書御馬為世 於敵不足顧也其於謹備西北敢不風夜竭節以奉明 去高奴山谷縄屬地險兵厚謀臣猛將併在一城而逆

会グロ人と言

次己日早七時 不宣某齊被再拜 何鉅賢之眷眷若此乎東望旌榮無任瞻依感戀之至 (喧獨明公信之憐之豈孔門之道果不負於後人耶 **大莊集**

	-			 	
文莊集卷十九					1 1 1 1 1 1 1 1 1 1 1 1 1 1 1 1 1
人 					卷十九
		·			

... - .

故歷候不得不正也地以九州為紀故疆理不得不別 欠正の馬をか 欽定四庫全書 日以阻月定四時成歲暨禹東四載分别九州隨山刊 先王之有天下也仰觀乎天俯察乎地天以四時為佐 莊集卷二十 定四時別九州聖功孰大論 **堯稽法天象申命義和期三百有六旬有六** 文莊 集

正地道也夫天時正則霜雪風雨於是乎可信上下經 也洪水襄陵羣生旨墊夏后氏疏鑿山川流導四瀆分 候之失度日星之失次歷算之失數人民之失所乃命 田壤之等降定贡献之隆發桑土既蠶生民粒食所以 四岳欽若上天歷象日月星展敬授人時所以明天道 不洪水無害然皆上古帝王之暒功而有區別馬夫暒 ~李盛徳廣大陶唐氏處天時之不順正朔之不叙節 經始萬那勞心百度皆欲先天時而後地道也三皇

金贝匹四百十

次定四年上島 是乎有典原隰墳行於是平定位昆與魚覧於是乎有 氣也夫地道别則播種転藝於是乎有常賦役職貢於 四分度之一以三百六十日為一歲餘六日三十日為 仲尼罪其司歷葢百王之大典上古之異訓也然則定 乎可期故辰弗集其房而夏君征其畔官火猶西流而 月月行疾又歲餘小盡六日故五年再閏以定四時之 四時成歲何先乎関餘說者曰周天三百六十有五度 紀於是乎可象芒甲羽毛於是乎茂育政令教化於是 文莊集

際固不同矣 矣傅曰太上立徳其次立功堯之道定四時而修天紀 立德者也禹之道别地利而正人事立功者也功德之 定然則平水土何先乎九州說者曰州者畴也言畴 土而分别之也益閏餘不正則歷象不叙歷象不叙則 有國家者務政往制裁為政術故異倫攸叙萬事分 紀擾矣田轉不分則貢賦不至貢賦不至則人事廢 功九法為國何先論

金グロカる言

生是也有九法馬周禮曰制幾封國設儀辩位進賢與 其大有二有九功馬書曰水火金木土榖正德利用厚 治經解不紊於繁上下皆辰于道然則以典故為政者 欽定四庫全書 **比小事大是也然則致治之本何從而先昔八世之君** 而正其制也家故其民從之而不違當其陳九功于舜 不相沿襲帝者有帝道而御天下王者有王道而御天 功建收立監制軍詰禁施貢分職簡稽鄉民均守平則 下帝道廣而大其制也簡故其民從之而不佛王道明 文柱集

之用濟矣厚生而百貨之本達矣故六府三事允治然 故書曰民惟邦本由是善為國者修五材而民用足矣 貴穀而民食豊矣正徳而天下之心服矣利用而邦家 用則民事不濟故場曰日用不知不厚生則國計不豐 禹之世其言要而其用也普其帝制之餘乎正九法于 以食為先不正德則教化不達故書云德惟善政不利 非五材不用故九畴以五行為首民非五穀不食故八政 姬周之始其言辯而其用也周其王制之餘乎夫萬物

大子の事とは 將有察而不勝者矣於戲鼻陶問公之心可以知之矣 後可以制畿封以正其法辯儀位以即其事進賢才以 從上矣若去道徳而專任法度則四海之政官府之事 懲勸建牧守以司察詰軍禁以繩斜施職贡以制財簡 也王制者尚法度者也先道德而後法度則民懷之而 不刊之典垂為百王不易之道葢夫帝制者尚道徳者 鄉民以施教均守則以結信正小大以表禮著為先聖 舜無為禹勤事功徳孰優論 丈莊集

者也勞者滯於形器而立事者也故言事者勞逸之際 者其功逸其徳殺者其功勞逸者合於造化而及於物 夫舜以無為而治天下禹以勤事而陟元后然則無為 勤事其有隆殺矣夫聖人功業既殊教化皆異其徳隆 金好四個人 天接地垂映列辟者皆曰舜禹則舜禹可以謂之威徳 而其道固不可同矣三五之君其治之至其徳之盛際 行惠以懷萬民驅之四方上下惟其所從在其治一也 天生然民立之司牧實曰天子天子必張官設吏布德

民則惠易曰垂衣裳而天下治其是之謂矣夫勤事者 默詩云不識不知順帝之則書云知人則哲能官人安 勞也勞者何葢自任也聖人憂勤以圖治躬親以氏績 垂饋而御遐邇當宁深拱而行教化德與天道契乎淵 龍以平水土以典禮樂以掌山澤以治百工故可凝旅 岳以主內事任十二收以東外政任大禹垂益伯夷藥 於求賢逐於得士當有虞氏納于大麓遂陟帝位任四 不可不察也夫無為者逸也何以逸能任人也聖人勞

次正四事人生

大莊集

德者形而上者也功者形而下者也立德立功之道其 能功者萬世濟于生民詩云弗躬弗親庶民弗信又云 當夏后氏受帝之命人厥水上東四載而導江河别九 無為而治者其舜乎又曰舜有五臣而天下治言禹則 風沐雨而無像授元圭而告成功以聲身而為律度故 州而差貢賦任其桑土分其土宜聞改之泣而不歸梅 稱其功曰盡力乎溝洫又曰微禹之功吾其為魚矣益 ·心翼翼其是之謂乎故聖賢之言舜也則稱其德曰

殊久矣況禹受舜命而告厥成功乎

孔門為達者也不預十哲之選其故何哉夫仲尼生周 語宰我子貢政事冉有季路文學子游子夏而曾參於 登四科者十人而已徳行顏淵閔子騫冉伯牛仲弓言 曾参不列四科論

次三日五日 二十 之末立定東之間斯文中微不絕如緩乃以仁義之首 行忠信之事及其言行采其材智得是十子第為四科 以標儒雅之道其選葢至矣而參不列其間者念其道

文柱集

惟以孝行者聞不能具得能者之體但行其一端故所 関非獨以德行選也游夏非獨以文學舉也宰賜非獨 以不列於十哲者也岩孟子所謂伯夷叔齊聖人之清 以言語稱也再季非獨以政事擇也益有五常之具德 具體者哉非各言其一也賢者百行之先闕一不可顏 無言語言語者豈無文學斯互舉所長之言也而曾子 而後列其所尤至者哉故德行者豈無政事政事者豈 有所未至矣武常論之曰孔氏四科之選皆有賢哲之

金万口不住意

钦定四車全書 大莊兵 中矣三千之罪莫大於不孝仲尼之門英賢之選而薄 尼常日孝哉関子霧而居徳行之科益孝者無以逾於 四科之上夫孝養之道誠為至性然莫通於德行故仲 於孝行聖人之心何以言哉或曰孝者百行之先居在 者也言夷齊不食尚栗来被首陽益得聖人之一清德 耳蹈道則未也由是觀之則然之事夫子學其道推其 以非賢哲夫十子者有四科之德豈無孝乎益孝在其 心但得聖人之一孝德耳言其材則未也或曰冬也孝何

資始夏商周之君代王寅丑子之正攸數夏后氏憂勤 正月居王之下示正朔自王者出也當帝道標季王化 國以及百姓以廣其志 他也是則有其他然後列在其間而祭之孝一 也仲尼嘗曰參也魯故為之説天子諸侯之孝以治邦 一應天祚敷政令歷象為貴因損為重故春秋之義 1溝海禪讓而防帝位以大簇為正族者凑也萬以 開封府武三正循環宜用何道論

觀之正則其道可知也仲尼曰行夏之時又曰吾欲觀 少是四百百百 **羧祭求諸陽時用日中周伐紂而王天下戎衣而威遠** 于夏不敢居盛而處中周循于商不敢處中而履初故 為正吕者助陽宣氣感德之中者也其色尚白其樂大 氣性用驟駒商放集而取神器慚徳而朝萬國以大日 凑地而生陽德之盛者也其色尚青其樂大夏祭禮尚 也其色尚亦其樂大武禮貴兼用姓取辟姓於戲商循 邇以黄鐘為正鐘者種也律吕施種而出感徳之初者 文莊集

道德之教未畢禮樂之文皆至易所謂聖人作而萬物 岩刑政孚而未達化育至而未成陽發于寅其道大振 章施而未換陽漸于丑其氣欲勝宇宙凝冱庶物猶蟄 草木甲拆土膏脉起萬物喜其嘉會陰德伏其推剥岩 子大人道長羣陰尚壯天地 閉塞岩政教立而未布文 其弊而終革之太初已降率以夏正為定典夫陽生于 歷四氣可以平分也三代之季秦以十月為正漢初因 夏道是故之祀而不足徵也吾得夏時馬盖知夏之律

金少口四百百

次記事上書 用夏道醉禹徳所以同時令齊閏餘節春夏之和正思 王之政如循環窮則反本國家革五代之與繼隋唐之 基謂涉政多慚周業孔武恐不足以表仁義之化宜乎 正不可以同道當循環而後知其政德馬故史遷曰三 候之始使告正朔于天下而民知其威德馬君子曰邪 **想之時也吁政有大小德有盛衰三王不可以共議三** 有道雖商周之正可也知無道用夏正將無補 曹参守職論 文柱集

道德進之則鼻變可也況世革秦葵時在守文創業之 察神武就與高皇帝上曰朕安敢望先帝觀臣就與蕭 漢曹参自齊入相飲酒繼日惠帝讓之於謝曰陛下自 平吁君之不逮在賢為致之則堯舜可也已之不逮在 君則兵以能勝事以時設有刑戮之威而無繩墨之制 一曰似不及也參曰陛下之言是也且皇帝與蕭何 下具法令陛下垂拱奏等守職遵而勿失不亦可 承秦與而起遠近響應數年之間平定四海暋

金厂人工人 白雪

危法令具而不可復易我不擾則天下静我無事則天 謂王者必世而後仁故文武之政周公制之成王襁褓 繼世之君則當守仁義循法度制禮樂易章服撫內外 而德及三代豈成王之德參於文武乎參上不能致君 明刑罰官賢材親宗族所以基太平而遵王道也傳所 欠にの事心時 而不知古聖賢有殊功異代者矣謂天下定而不可復 下定嗚呼三城長安役東百萬簡易之道邪降灾雨血 下不能自殭況治民乎君則限以高祖已則限以蕭何 文莊集

外之自與 黄老飲酒不治憑託異說以致王室陵遲諸召弄權實 桃李冬花無為之應邪勿失之職復可在哉益參祖尚 金りとんろう 夫先王獄以定刑市以聚物刑必正其枉直物必辨其 民偽其來尚矣漢曹參起於獄吏執圭而侯以将校之材 獄市為寄論

迹黄老之弊政事之失处以宣晚成罷齊相屬後相曰

以獄市為寄慎勿擾馬相曰治無大於此乎奏曰獄市

欽定四庫全書 之以經制後之以教令周禮曰量度而成價質劑以結信 之市者聚會民物質選有無食質縱欲翔貴時價檢民 王制曰姦色亂正色五穀不時不鬻於市周孔二君子 幸利雜良以告在乎節與僧於末民戒巧許於貪夫先 大獄一起冤者大半在乎察人情偽繩吏之深刻先王 罪答掠外至姦吏市法出入生死良民受辱引罪自誣 以明慎用刑而不留狱禮曰悉其聰明致其忠愛以盡 艾雅集

所以并容也今君擾之姦人安所容乎吁獄者鞫訊過

令提綱紀之道語之反以亂政寄為後患夫漢接秦與 有後相之語欲知大體察不能以正君臣尊王室審號 民不争刑罰舉而民不犯也而於以獄市之大并容不 化墳籍煨燼世無所聞而黄老之語在馬尚擇其善者 擾益徳吏而殘人命惠姦而耗民財亂則可期治乎何 制禮刊書問不盡聖人之道絕姦完之路故姬旦滅商 紂誅管察而成康刑措四十餘年仲尼為中都宰市無 二價路不拾遗葢成之以廉耻防之以仁義衣食足而

阿上首外無別材飾之以許至於覆布被飯脱栗故買 有急士之風美其事者多矣而或不知其意馬夫侯起 次定四草 红 於徒步屢歷顯位而指陳兩端以惠時議棄特宿約以 漢平津侯開東問待賢當時諸儒亦有稱者近世以為 惑於世邪悲夫 非傷獄拯縱姦為豪暨處上位惡傷其徒憑托異説以 從之亦可以少裡政事而參乃入不由戶反道亂常得 開東閣論 文莊集

無賢乎當此之時匈奴悉邊諸侯構怨侯未始定一計 能採其謀而行之擇其賢而進之故平原下士得毛遂 金グロスクア 偽而史籍所載由其門出者卒無一人豈漢併六國而 臣難其短汲黯計其偽自知無功以速官誇故設東問 不能用與邱墟底庫何異馬設使相天下者賢材在朝 以安之豈多士而無謀乎夫開陽而不能待士待士而 以安趙郭隗禮賓得樂毅而霸熊侯為相六年招待賢 假待野之名以誘士大夫之譽夫待士者育其材觀其

則進之在野則升之豈開問而後為賢哉於嚴嚴助董 明而能教臣忠而能諫則國之正矣父慈而能訓子孝 之大者父子也君臣正則國政行父子正則家道成君 仲舒之徒贤人也侯而陷之寧有進人之意邪益善為 今為師何可學也時人以為然夫國之大者君臣也家 漢薛宣不教子惠以吏職漢書備之矣且曰吏道以法 釣名任詐之術使後世美之情哉 不教史職論

火足四員 白馬

文莊集

禮韋賢授之以經鄧禹專之以一藝後世稱之夫成童 以寬猛吏以畏愛事以時變数以俗設府寺州縣郡國 而後能其事銷金石者不累日揉曲木者不累月若教 而能争則家之正矣石碏教子以義方仲尼戒鯉以詩 金万里人名音 知之則周公仲尼其人也自兹以降未有不學而成者 天下雖大小異器而其政一也何謂不可學哉夫生而 不就師傅父之罪也況父而不教乎益事莫大於學學 經之書三尺之法則不止於職也夫吏職者民

唐文宗議貢舉曰子弟寒門但取實藝宰相李德裕對 大道中子不能教況生民乎故當宰天下之際官屬議 漢與則仲舒學春秋而建大議安國學尚書而為通材 אליווס וופן לו איום 其煩碎天子淺其儒術六年無補於政事宜其放棄馬 暴歷廟位不習經義何以語人哉嗚呼吏事不能言況 有宜厥功茂馬宣謂不可學者益起於獄吏斗食之下 君明學易而知樂雅主學詩而從政故制斷無失宰割 李德裕非進士論 文莊集

書登于天府樂正論造士之秀升於司馬進士之名立 選士觀五善之節姬周受命文物明備羣吏獻賢能之 軌而同歸求聘之塗古者諸侯為賢有三適之制射官 之於政由左右手馬故有國之典先夫取士雖公革異 日政布政之具日文守文之基曰道行道之夫曰士士 臺閣儀範不教而自成寒士固不能習也夫治平之器 朝廷顧官須公卿子弟自小便習舉業日熟朝廷間事 曰臣無名第不合言進士之非 其祖尚浮華不根實藝

金历四人一人

制非古也古者國風雅之謂詩不歌而頌之謂賦歷三 宗伯以方圓曲直而取名材大儒比比而有然詩賦之 沙定四車全島 之士誦詩書東刀筆来仁義之道而進朝廷關場屋部 损益無常而察言觀德之規不妄設也李唐御統艱厥 制度立進士之科正名也行辭賦之選從時也而天下 選魏晉或表薦而登仕齊梁或版辟而起家故孝薦明 經之科秀才茂才之樂限口限年之制射策待韶之選 矣禮賢之道廣矣皆六國行玉帛之聘两漢立四科之 文莊某

飾為規矩正麗偶為絕墨詩則協聲而合律賦則限 賦之體聚矣規諷之旨衰馬唐與文流愈甚前失執彫 屈宋起迁誕之說相如閱行以前導揚雄淫麗而後殿 叙别鄉孟四言以述祖陸謝勵鋒於晉宋任范治荣於 李移統七雄黷武大道既隱正音去矣故少卿五字以 秦漢之於唐虞也故德裕許其浮華則可矣至於言朝 而拘字燦然清才而不復質矣譬諸栢梁永明體猶若 齊招詩之體失矣頌刺之義微馬若孫卿暢幽惻之意 分りせん ハー

舜之商均皆可君天下也况父母之聖非教不行也國 次で日野白品 業多隆嗣與之賢甚寡若子弟不教而成則竟之丹朱 出而忘弓裘之業雖將相之世不可任也哀哉堂構之 美成作述之志雖寒士之賢弗可加也若其尚輕肥之 飾馳逐豪俠之伍以奢借自大意氣相樂不知衣食之 之贵屈身士大夫之間講習仁義延揖時譽有緇衣之 廷顯官須公卿子弟斯言之玷無乃甚數夫諸侯襲封 功臣繼絕須子弟奉祭祀而爵及世也若其靡恃門閥 文柱集

士以歷試而須爵歷試之下點陟章明故士之不肖者 崇爵豐禄設官分職治亂之道不在它而在賢愚也子 弟寒士賢治愚亂其一揆也然則子弟以嗣於而受禄 除任子之令則知子弟之才非專任之器也詩曰其父 也故楊與說於史高母薦乳母子弟王古疾其縣舊請 之治非目不熟也臣之良非師保之無功也何教之而 折新其子不克負荷書曰世禄之家鮮克由禮況朝廷 不成目熟而不知保傳而無補哉益上智下愚之不移 金灰口尼石雪 钦定四車全書 亦子弟耶夫志士之學也終日不食終夜不寝將負周 識關朝儀範則仲尼正魯國之雅頌叔孫定漢之儀制 仲舒下帷倪宽带經乃子弟耶若以寒士杜門問卷不 皐陶伊尹不仁者遠矣易曰賁于丘園書曰野無遺賢 鮮矣至如傅説胥靡而與涉日望屠釣而王周管仲商 則宣謂子弟邪若以寒士窘急衣食不能熟習徳業則 任誠不讓於子弟也故舜湯不用三公九卿之世而舉 販而霸齊由余戎狄而强秦斯皆歷武諸難登將相之 文莊集

制禮樂發號令華襲因損頤指而行何不合言之有尚 生此王國於戲宰制天下代天工也當改正朔易服色 古入官此之謂與得士之道不其偉哉詩曰思皇多士 以選舉之制離失中道則以德進以事舉以言楊擇善 前言往行燦燦在目立於朝無慚色無愧幹也書曰學 雖九經之與必獲仁義之百載籍之廣必取禮樂之制 之誓銷鴻薄之器於太平之爐故遑遑然急於行道也 孔之戈而春楊墨之喉以聖君之道左之生民之心右

而行斯可也尚謂辭賦非古則策以時務問以康濟非 泊祭信書亦引親暱斯乃扼其咽喉而中其膏肓矣厥 **肯無宰制補來之德而場屋之下英條間出縉紳之士** 大にり事という 杜賢路進子弟以崇私黨便朝廷之人無能傑出已右 熟名相望欲聘材析專國政不可得矣故將縣貢舉以 材見矣而徳裕以林甫餘烈陟位國相知簡賢附勢之 故宣宗制曰委國史於爱壻之手寵秘文於弱子之身 五經不得以對非常道不得以言則經緯之術宏達之 文莊集

器下良民而右富商棄禮文而圖貨殖烏氏保以網終 金りせんとう 卿之世無平邊富人之策徒以交市夷狄高聚酱育起 賢者知勸而禮不踰朋也秦負戰霸之業竊垂帝王之 議曰王者賞不失功爵不墜典車服有等貴賤有別所以 私遗戎王谷量牛馬令比封君而與朝清吁非三公九 有朱崖之敗以謝天下宜哉 秦烏氏倮與朝請議

之道罔敢貨賄之力將相之世靡及并兼之家雖天子 被公菜積行累功以致侯服令茲澆漓淫而不典儒學 とくらしりますといからう 朝畜産之主雖闕廷日定冠冕歲制與服禮不足以別 等難以煩制玉帛修贄而後會等威有序而後見今用 親傳組紋躬給廩食位不足以勸賢材矣古者朝以辨 非辟異倫喪敗銀黃之貴而肩緣收之夫明堂之下而 文莊集

兩失禮義交喪古者位以制賢禄以壽庸論道經邦以

於商販之下而伍侯伯始無一命之重而參朝謁名器

之急萬民教教金玉不以餬口六軍凍家牛馬不以挾 畝之糧不暇發吐絲之益不及飼卒有太礼之變兵革 貴賤矣使耕雕之民游手商賈東奇珍之貨私匈奴之 續雖欲復農不可得也於 截惟名與罷不可假人賞罰 人修六複之業競刀錐之利滞貨以要君上累鍋而駕 守國之影禮之為大去禮而行何以享國宜慎守之恭 自失沮勸則差故禮賜君子小人尚不同日益慎之也 公族翕然風從以競市作是則稼政不修時器不緝栖

議曰復徭役者地則兵火凋殘水旱沙疫行幸所經戸 烏合以附成大業者非獨李氏也何黨之甚數書曰! 三四馬既高祖乗隋室之與北起晉陽西圖函夏百姓 氏之姓伯陽之後周距隋季且千餘祀姓族滋蔓率上 典法也李唐氏受命之二載詔天下宗人無徭役吁李 籍新復人則鄉有善行家無兼丁者預馬斯有國者之 大三つ 日本日本ラ 人有慶兆民賴之又曰元后作民父母是則天下之親 唐兔宗人役議 文莊集

· 堯之民比屋可封非獨祁氏也紂之民 比屋可誅非獨 一處之前所謂兵人而免者蘇其業也水旱而免者濟其 子姓也禮曰不獨親其親不獨子其子書曰無當無偏 也三皇之世則三皇之民也五帝之世則五帝之姓也 旨親也天下之姓皆姓也若諸侯陪臣因王父之字以 數也行幸而免者酶其費也新復而免者**電其作也有** 為氏則天下之民以君為氏明矣而不姓之者不可 王道平平傅曰君子不患寡而患不均斯馬之義何以

金历四月石言

钦定四車全書

之莊集

主

文莊集卷二十			
			卷二十
			-